

永和縣志卷之十

祠祀

邑令有守土之責其文廟城隍諸壇壝歲有常典土穀之祀詎可忽諸蓋永民專務農業地土俱在高原峻嶺之上水利灌溉所不及十日不雨民間惶惶祈賽龍神各祀於其鄉以邀甘澤雖然不載祭典幸非淫祀官斯土者與民痼瘼其可漠焉置之乎亦當重農事崇

國典加之意也作祠祀志

永和縣志

卷之十

祠祀

一

文廟

在治南街東歲春秋仲月上丁日祭

啓聖祠

在文廟後同日祭祀典俱載學校志

名宦祠

同日祭祝文惟神善政善教惠此一方民到於今頌德不忘

鄉賢祠

同日祭祝文惟神竹帛垂名鄉邦仰德俎豆宮墻尤爲世則

文昌閣

在西南城臺同日祭

魁星閣

在東南高阜同日祭

社稷壇

在城北久廢上戊日祭祝文

品物資生蒸民乃粒養育之功司土是襲惟茲
仲春禮宜報告祀謹以牲帛醴醢粢盛庶品式陳

明萬
尚饗

風雲雷雨壇

祝文在城南久廢上戊日祀

妙用神机時行是職奠我民居足我民食惟茲

仲春禮宜報告祀謹以牲帛醴醢粢盛庶品式陳
尚饗

八蜡壇

在城北久廢上戊日祭

邑厲壇

在城北久廢

以上四壇知縣王士儀於康熙四十九年捐輸

重建

永和縣志

卷之十

祠祀

一一

城隍廟

號祀在治東南初封顯佑伯洪武三年始正神

仲祭于風雲雷雨山川壇每厲祭則主之

關帝廟

在治東南

帝廟在城北關

東嶽廟

在城北

伯王廟

在縣南五里

華池廟

在縣西郊

三公祠

國朝在公署大門外祀明邑侯冀公
及死難贊政鍾公祠廢

武公祠

在公署大門內祠廢

在城北關北上

三官閣

在城北關南臺上

以上諸祠廟隨俗因時而祭不備載

永和縣志

卷之十

祠祀

三